

# يشيل كتاب

مسئلة خلافة متعلق وثائق

أفكار محرمية الامام عبد الله التوراني عليه السلام في المسئلة

سنة ١٣٤٢ هـ

# يشيل كتاب

مسئله خلافتہ متعلق وراثت

فكار عموميہ اسلاميہ نك تنويري مقصديہ نشر ايدلشدر .

مقام معلاى خلافتہ بالانتخاب اصعاد لرینی متعاقب عالم اسلامه خطاباً نشر بویوریلان  
ایلك بیاتنامہ خلافتیناهی :

## بسم الله الرحمن الرحيم

الله عظیم الشانك اراده سبجانیه سیله عنایت قدسیه ربانیه و روحانیت  
جلیله نبویه به دخالت ایدرك معاملات ناسه و احتیاجات زمانه اوفق  
مقررات مصیبه سیله اوج یحق سنه دنبری رشد و کیاستنی اثبات و حاکمیتنی  
تأیید ایدن تورکیه بویوک ملت مجلسنك انتخاب و مظاهرتنه بالاستناد  
مقام معلاى خلافت اسلامیه بی مع التعظیم اشغال اییدیورم .

جناب حقك عنایت و صیانتی و پیغمبر ذیشان افندیمرک امداد  
روحانیتی و غزرا لر یله دین فدائیلرینك غیرت و شجاعتی سایه سنده امت  
مبشره محمدیه حقنده اخیراً تجلی ایدن مظفریات مشعشه و خدایسندانه دن  
دولابی کمال خضوع و خشوع ایله سجدۀ شکرانه قاپانه رق عصر لر دنبری  
خلافت جلیلۀ اسلامیه نك خادم و مدافعی اولقله مفتخر و مباهی  
بولونان تورک ملت نجیبه سنك و خاندان عثمانینك همیات  
فداکارانه سنی تبجیلاً عالم اسلامك حق لرنده دائماً و بالخاصه شو  
صوك الم و امتحان دوره سنده بر آن ابراز و ابذلندن فارغ اولمادیغی  
مظاهرت علویه اخوتکارانه بی بر حس عمیق افتخار و محمدتله



یاد و تذکار و علوقدر و جنابیلہ متناسباً و ہر بار مزایداً نالدر رفت و  
 سعادت اولماسنی الطاف جلیلہ صمدانیہ دن تضرع و نیاز ایلرم .  
 امت معظمہ اسلامیہ نک غایۂ آمالی کلام قدسیت اتسام الہینک  
 و شریعت غرای احمدیہ نک ابنای بشرہ و عدو تبشیر بو یوردقلری  
 تکملات دنیویہ و فیوضات معنویہ نک اسباب تجلیسنہ متحداً بذل  
 مقدر تدن عبارتدر . بو اعتبارلہ مقام معلاى خلافتک محضاً و دیعة  
 اللہ اولان و وظیفۂ علویۂ امامت و دلالتنی حقیلہ ایفا ایدہ بیامک  
 و اوغرینہ بوتون عمر مک محصلۂ استحضارات و مساعیسنی وقف  
 ایتدیگم خدمت جلیلۂ اسلامیہ دہ علی قدر الاستطاعہ موفق اولام .  
 بیامک ایچون جمهور مسامین و عامای دین مبینک ارشاد مشورت و  
 انضمام معاونتنہ خاصۂ عرض افتقار و مراجعت ایدرم .

همان جناب قادر مطلق جملہ مزى توفیقات ربانیہ سنہ مظهر و صلح  
 و مسالمت جهانک ورفاہیت و سعادت عمومیہ نک ادراکیلہ کامیاب و مبشر  
 بو یورسون آمین محرمة سید المرسلین .

دار الخلافۃ العلیہ ۴ ربیع الآخر ۱۳۴۱ رب العالمین

رسول

خليفة

عبدالمجید ابن عبدالعزیز خان

۱۳۳۸  
۲۰ تشرین ثانی ۱۹۲۲

مقام خلافت علیهنده کی تصور رسینک شیوعی اوزرینه خلیفه خضر تلیزینک  
ن مجلسی ریاسته خطاباً مرسول تلیزافناه لری در :

## تورکیه ملت مجلسی ریاست جلیله سنه

بوگونکی غزته لرده مقام خلافتک الفاسی صد دنده قطعیتیه یاقین  
ریات گورلمشدر . درت کسور عصر دنبری بو دولت و ملت و دیعا  
لان خلافتک الفاسی عالم اسلام ایله اولان رابطه نك قطعی دی  
لوب بویله بر وقعه و جدان اسلام اوزرنده سوؤ تأثیرات تو  
عالم نصرانیجه ده دین مبین احمدینک مانع ترقی اولدیفنی حقند  
ناداتی تأیید ایدرک تاریخ حیات ملتده پک الیم و خزین برح  
لاجفک بو بایده قطی برقرار اتخا ذندن اول بیانی فریضه عدا

عبدالمجید ابن عبدالعزیز

۱۳۴۰

۱۹۲۴

له باغچه ۱ مارت



دار الخلافه العليه دن اسويجيره به تقريرلريني متعاقب عالم اسلامه خطاباً نشر بويوريان  
ايکنجي بياننامه خلافتناهي

## بسم الله الرحمن الرحيم

خلافت مؤسسه مقدسه سني خذف والفا ايتمش اولمق  
ادعاسنده بولولونان لادينى تورک جمهوريتى قراريله عزيزر وطنمندن  
نقى واجلا ايدلديگم جهتله بومهمانئواز ديار غربتدن عالم اسلامه  
التحاق صداقتکارانه دعوت پدرانہ سني مبلغ بو بياننامه مله توجيه  
سلام و خطاب ايدىيورم .

تورکيه ملت مجلسنک اکثریت حاضره سنجہ خلافت مقدسه  
عليهده متخذ قرار غير دينى اساسات و منافع عاليه اسلاميه ايله  
عير قابل تأليف اولديغى گبي پرشرف عنعنات اسلاميه و قوميه مز  
اجاباتنه تبعاً مجلس حاضر ملي ي خلافت مقدسه يه استنادکاه  
خدمتنى ايفا ايله توظيف ايدن نجيب و قهرمان تورک ملتک  
شرط اساسى و کالت و انتخابنه ده کلياً مغاير بولنديغندن شريعت  
غراي احمديه ي منکر بويله بر قرار باطلی کائن لم یکن عد ايله .

ديگمك عالم اسلامه ابلاغنى عهدمه مترتب اك قطلى بر وظيفه  
عد ايلرم .

بر بوجق سنه اول مقام معلاى خلافته انتخابى بيعت  
عموميه سيله تصويب و تصديق ايدن عالم اسلام عهدمه مفوض  
وظيفة مبجله يي بو صورتله تاييد ، لادينى ورك جمهوريتى ايسه  
حاكيت حقيقيه مليه يه تجاوزيله حق اعتراض و مداخله سنى كيا  
اسقاط ايلديگى جهتله فيما بعد بو مسئله حياتيه خصوصنده كمال  
صلاحيت و استقلال ايله اتخاذ مقررات حقى منحصرأ عالم  
اسلامه عائددر .

وضعيت حاضره نك استلزام ايتديگى بو مقرراتى برلكده  
اتخاذ مقصديله زمان و مكان مناسبنده بين المسلمين عقدينى تصور  
ايتديگم مؤتمركير ديننيك اجتماعى اسبابنه متعلق تكليفات  
و مظاهرات فعليه لرينى على قدر الامكان سريعاً بكا ايصال  
صورتيله بالجمله جماعات اسلاميه نك اك صلاحيتدار رؤسا  
و ممثلرinni بو غايه مبجله او غرنده تشريك فعاليت و غيرته دعوت  
يديورم .



صرف تظاهرات علويه سی روحی افتخار و مسرتله تهییج  
ایدن تساند عظیم اسلامینک حقمده ابذال ایتدیگی پک مشوق  
و قیمتدار دلائل محبت و مربوطیتته استناد و مقدس دعوی  
دینمزک موفقیت نهائییه یه اقترانی جناب قادر مطلق حضرتلرینک  
عنایت جلیله رحمانیه سندن نیاز ایدهرم .

رب العالمین

رسول

تریتہ ۵ شعبان المعظم ۱۳۴۲

خلیفه

( ۱۱ مارت سنه ۱۳۴۰ )

عبد المجید ابن عبد العزیز خان



خليفه حضرت لر ينك توركيه ملت مجلسي اكثريتي و حكومتي قراريله و طنلرندن تفريلريني متعاقب عالم اسلامه خطاباً سويچرده نشر بويوردقلى بياننامه اوزرينه محافل رسميه دن عكس ايدن اتهاماتي رد ايچون توركيه ملت مجلس رياسته مرسول نحرير اتلري :

## بسم الله الرحمن الرحيم

توركيه ملت مجلس رياست جليله سنه

عالم اسلامه خطاباً نشر ايتديگم بياننامه نك حكومت و مجلس ملي محيطيله مطبوعات يومية صحائفنده سؤ تفسيره معروض قالدیغی و سیاسی ماهیتده تلقی اولونديغی نشریات واقعه دن آكلاشيلىور .

تبیین حقیقت و تصحیح ذهنیت ایچون شوراسنك معلوم اولماسی ایجاب ایدر كه خلافت اسلامیه علیهنده متخذ قرارك نتایج و خیمه سندن عالم اسلامی صیانه و بیعت صحیحه شرعیه لرینه تبعاً بوراده دلالات و قناعتیه صور مختلفه ده مراجعت ایدن مسالمنك مسئولی اسعافاً وضعیت محدثه حقنده کی تلقیمی و حل مشکل ایچون شایان توصیه گوردیگم تدابیری مسلیمنه رسماً اعلان و ابلاغ لزوم مبرمی تظاهر ایتمشدر .

مطبوعات محلیه دن مقطوع بر صورت صحیحه سنی لف ایتدیگم بو بیاننامه ده تورکیه جمهوریتنك موضوع بحث اولماسی آنجاق مایقع تاریخی بی

وما هيته قرارى نظر اسلامده رسماً تثبيت و بوكا قارشى اتخاذى الزم تدبير  
عاجلى تعيين و تبليغ ضرورتندن منبعثدر .

بيعت عامه يى حائز بولنديغم مدتجه جامعه مباركه اسلاميه نك  
حقوق و منافع عاليه سنى خللدن وقايه وظيفه آمره سيله قطعياً  
مكلف بولونماسه يدم قرار متخذ يوزندن شخصاً دوچار اولديغم  
فجميع حقسنلنى بيله محبت شديد و طنيه م سائقه سيله اونوتمايه  
چاليشيردم . فقط عباد اللهك اوزه رنده كى حق عظيم بيعتى  
مؤسسه مقدسه خلافتك الفاسى تشبته قارشى هر نه ملاحظه ايله  
اولورسه اولسون اختيار تحمل و سكوت ايتمه مه قطعياً مانع و  
بو اجتهاد لا يتغير يى استانبولده كى ايام اخيره اقامتمده ملت مجلسى  
رياستنه گوندرديگم وثيقه مدله اعتراضيه تاريخاً مثبتدر .

ايشته بوسبيلرله عالم اسلامه قارشى وظيفه خطاب و ارشاد يى الحمد  
لله ايفايه موفق اولدم . بونندن صوگرا مسئله خلافتك حكومت جمهوريه  
لا دينيه ايله آرتق برعلاقه سى قالمامشدر . بناءً عليه اصلاً مقام خلافت  
اسلاميه يه و اليوم نجيب و ديندار ملتزمه مودوع و باشليجه خرقه سعادت  
دائره فاخره سنده محفوظ بولنان امانات مباركه نك، فرعاده حقوق عائلويه  
و شخصيه مك مطالبه و مدافعه سندن باشقه خصوصات سائرده حكومت  
جمهوريه ايله مشغول اولما مقلغم طيعيدر . فقط ملت و مملكتمه  
نارشى بوتون حيات و مسلگمله ظاهر و ثابت اولان مربوطيت  
فلبية فداكارانه م البت صوك نفسه قدر دوام ايده جك



روح‌ده آشیان وطنی طوافدن بر آن خالی قالایه جقدر. جاب قادر  
مطلقدن کمال تضرع‌ه نیاز ایدرم که خلیفه صفویه مملکت‌ده  
وطنداش لریمه قارشی اراز ایتمه‌مه مساعدده ایدله‌ین خدمت  
مبجله دینیه و ارشادیه‌ی، ولو که وطن جدا اولارق انشاء الله  
تعالی ایمایه موفق اولایله‌یم .

او عرنده فدای جانی کدیمه منت بیلدیگم چوق سوگیلی  
وطن و ملت‌ی صیانت سمدانیه امانت و ضلالت‌ده قالانلریتمزک  
عن قریب مظهر هدایت اولماسنه اعماق روح‌دن دعالر ایدرم

آمین بجرمة سید المرسلین و الحمد لله رب العالمین . الله

عن اسویجره ، تریته ۱۸ شعبان المعظم ۱۳۴۲ رسول

خلفه ۱۳۴۰ (۲۵ مارت سنه) ۱۹۲۴

عبدالمجید ابن عبدالعزیز خان

دارالحلقة العلية من افلاك اتانسته توركيه ملت مجلسي رياسته ارسال متصوركن  
حسب المنع ممكن اولامايان اعتراضات خلافتناهيكن صورت

## بسم الله الرحمن الرحيم

توركيه ملت مجلسي رياست جليله سنه

خلافت مقدسه اسلاميه نك سلطنت تمثيلية فرديه دن تفريقيله كماكان  
خاندان عثمانيده ابقاسي و اعضاي خاندان دن ارشد و اصلحنك بالانتخاب  
مقام معلاي خلافته اصعاديله توركيه ملت مجلسنك ده بو مقام معلايه  
استنادكاه اولماسي حقنده مقدمات شوراي مليمزجه ويريلن قرار تاريخي  
موجبنجه و و كلاي ملتك اكثريت آراسيله بالانتخاب مقام معلاي خلافته  
اصعادم اوزرسته بو وظيفه مبعاه نك علي قدر الاستطاعه ايفاسني درعهده  
ايتديگمي معزز وطنداش لرمله برابر سائر بالجمله اخوان دينمزه خطاب  
ايدن و دارلخلافة العلية اوراق حوادثده اوزمان انتشار ايلن بياننامه مله  
بيلديرم شدم .

صلاحيت اجرائيه دن تجريدي قراريله صفت سياسي سندن  
محروم براقيلان و آرتق منحصرأ وظائف دينيه و مدنيه سنه تعلق  
اقتضا ايدن فعاليت فياضه خلافتك صورت و سائط تطبيقيه سنه  
متعلق اخطارات و ايقاظات مكرره شفاهيه مه مخاطب اولان  
مامورين ممثلة حكومتك مقابله سكوت عجزى اختيار ايتمه سي



و مجلس ملیمزك بو سكوت . منیدارله هم آهنگ بر ایكیت مصره  
ابراز ایلمه سی غوائل خارجیه تماماً بر طرف اولادن بو مسئله  
مشترکه اسلامیة ایله اشتغالدن بالالتزام اجتناب ایدلدیگی  
قناعتنی تقویه ایتدیگی جهتله مجلس ملیمزه بو بایده رسماً و تحریراً  
مراجعت تصویرینك تطبیقنی بالضروره معاهده صلحیه مزك  
هر طرفجه تصدیق قطعیمی فرداسنه تعایقه مجبور اولدم .

بو مدید و فوق الحد مزعج دوره انتظار ائناسنده صاحب و آمرلری  
و کلائی ملتدن معدود بعض اوراق مطبوعه مقام معلائی خلافت علیهنده  
شدت متعدیانه سنی دائماً ترید شرطیله حوادث مهیجه خیالیه تضعیع و نشریات  
سائره متجاوزانه یه توسل ایتدیگی حالده بو مقام معلانك استناد کاهی  
اولدیغنی رسماً اعلان ایدن مجلس ملیمزك شایان حیرت مسامحه لاقیدانه سنه  
مظهر اولماسی بو مسلك غریبك منافع مشترکه ملیه و اسلامیة به درجه  
موافقتنی جای سؤال عد ایتدیرسه گر کدر .

مؤسسه مقدسه خلافت قارشی اختیار ایدیلن بو پك مؤسف خط  
حرکتك اسباب موجب لدنیه سی مقررات اخیره ایله واقعا توضیح ایتمش  
اولدی و بو صوك امر واقع شو بر یحق سنه نك سلسله بیانات و اجرا آت  
رسمیه سنده کی متوالی تناقص و تنافری بوسبوتون میدان چیقاردی .  
بو صورتله سلطنت مشروطه تمثیلیه گبی خلافت

مقدسه اسلامیة نك ده خذف و الفاسنه موفق اولق ایچون هر  
واسطه یه مراجعتك علیهدار لرحه مباح گورولدیکی عموماً  
آ کلاشیلدی .

حالبو که تفريق دين و دنيا نظريه غير اسلاميه سني جمهور  
اسلامه تطبيق سايه سنده مدنيت غربيه بي تقليد و تمثيل  
ايده بيلمك زعميله بو عليه دارلرحه لزوم الفاسنه حكم يعنى  
مانع ترقى عد اولنان خلافت اسلامه بالعكس اساساً روح  
اسلامده مندمج نامحدود استعداد انكشاف و تكملی احتياجات  
دهره گوره ساحه حياته قل و تطبيق ايتمكله مكفدر .  
شريعت غراي اسلاميه نك سلطه مدنيه سي خاصه تكاملات  
دنيويه بي مستهدف و بو اعتبارله نظر اسلامده دين و دنيا  
ناقابل تفريقدر . بناء عليه تسهيل ترقى بهانه سيله مؤسسه  
مقدسه خلافتي خذفه تشبث عقلاً قابل مدافعه اولماديفي گبي  
ديني ، تاريخي ، عنعنوي اساسات محكمه سيله جمهور اسلامك  
قلبنده ير طوتن بويله رصين بر مؤسسه معنويه نك خلاف  
شرع و صلاحيت ويريلن بر قرار كيني ايله الفا ايديله بيلمه سي ده  
فعلاً غير ممكندر . اصول صحيحه شرعيه سي موجبجه اصدار  
اولونمش فتاواي شريفه تعلق ايتمه دن خليفه رسول الله اولان  
ذاتك خلعي بيله جائز دگلكن صيانت خلافت اسلاميه عمدات  
انتخابيه سندن يعنى شرائط اصليه و كالت و صلاحيتندن معدود



اولان بر هیئت تشریعیه نك خلافت مقدسه اسلامیه بی الغایه  
قرار ویرمسی بالطبع صفت مشروعیتنی کلیاً سلب و انکار  
دیمکدر که بالنتیجه قرار متخذده باطل و غیر معتبر اولق  
لازمگیر .

آرای عمومیه مزك استفسار خالصی تقدیرنده قطعاً رد  
ایده جکنده شبهه جائز اولمایان و بو سببله ده حاکمیت  
حقیقیه ملیه نك روحنه مغایر بولونان بو قرار سقیم ، جد معظم  
جنتمکان سلطان سلیم خانك همت خدا پسندانیه سیله زمانك  
اك قوی الشکیمه ، دیندار و قدر شناس دولت اسلامیه سنه  
شرفبخش بولونان عثمان خانداننه بالرضا والاستحقاق انتقال  
ایدوب فداکارانه خدمت وصیانتی اسلافجه دائماً اك یوكسك  
وظیفه بیلن و تذبذبات عصریه و تعدیات متوالیه یه رغماً  
تاریخمزك اك بحرانی دورلرنده اك مؤثر واسطه تحفظ  
و خلاصمری تشکیل ، صوك غزای ملیمرده ده قیمت خارقه سنی  
یکیدن اظهار و اثبات ایدن بو موسسه مقدسه دینیّه مزك  
صلاحیت مبارکه تمثیلیه سندن معزز وطنمزك محرومیتنه یول  
آچور .

انشاء الله الرحمن نور هدايتك ظلمت ضلالتك من  
فريب تكرر غلبه سيله ازاله و تصحيح غنايت مبشرة ربانيه من  
كمال تصرفه نياز اينديگم بو قرار اليك تعاضد حكيم ايله  
معاذ الله خلافت مقدسه اسلاميه نك استنادك حقيقي  
استقلالندن ، قوم نجيبمرك ده مظاهرت اخوت اسلاميه من  
محروميت دائمه سني موجب اولاييلير .

حضرت سليمك كمال تعظيم ايله تسلم و هر نورلو انقلابات دهره  
رغماً سلسله اسلافك حزر جان ايندرجه سني حسن محافظه سني تأمين  
ايدوب مقام معلاي خلافتك اصعادي متعاقب عالم اسلامك طرف طرف  
بيعتي و تصويب عموميسيله و مجلس مليمرك هيئت مبعونه سي واسطه سيله  
و تحريرات رسميه سيله ايدى تعظيمه توديع اينديگي و باشليجه خرقه  
سعادت دائره فاخره سنده محفوظ امانات مباركك خدمت و محافظه  
مبجله سندن بلا اختيار و آنجاق اجبار و اكراه تبعيته بالضروره  
ايرلديغمي بيان . و عثمان خانداني معزز و طمردن نفى و تفريب  
ايديلير كن تاريخي ، عائلوي و شخصي كافه حقوقمرك  
محافظه سني نجيب ملتكم عهدۀ عدالت و علوجنابنه توديع  
ايدرم .



صیانت مبشره صمدانیہ نک بو و خیم دورہ بحراندہ دخی ملت معصومه  
اسلامیہ نک امدادینہ یتیشوب جملہ مزى حق و حقیقت یولنک داعی  
صلاح و سلامتنہ ایریشدیرمسنی جناب قادر مطلق حضرتلرینک الطاف  
جلیلہ رحمانیہ سندن تضرع و نیاز ایدرم . آمین بحرمہ سید المرسلین و  
الحمد لله رب العالمین .

طولمہ باغچه : ۲۶ رجب الفرد سنہ ۱۳۴۲

۱۳۴۰  
۲ مارت سنہ ۱۹۲۴

الله

رسول

خليفة

عبدالمجید ابن عبدالعزیز خان